



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Exempla, In Septem Capitalivm Vitiorm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

Reverendissimo Et Perillvstri Domino Domino Ioanni Rvdolpho, ... Epistola
Dedicatoria.

[urn:nbn:de:hbz:466:1-49161](https://nbn-resolving.org/urn:nbn:de:hbz:466:1-49161)

REVERENDISSIMO ET
PERILLVSTRI DOMINO

DOMINO

IOANNI RV-
DOLPHO

LIBERO BARONI DE
RECHBERG, IN HOCHEN-
RECHBERG, DOMINO IN DONZ-
DORFF ET WISGOLTING,

SERENISSIMI ET REVEREN-
DISSIMI

SIGISMVNDI
FRANCISCI

ARCHIDVCIS AVSTRIÆ ET
EPISCOPI AVGVSTANÆ DIOE-
GESIS ADMINISTRATORI VIGILANTISSI-
MO, CATHEDRALIS ECCLESIAE IBIDEM
PRÆPOSITO DIGNISSIMO,

NEC NON

EICHSTETTENSI ET ELWA-
GENSI CANONICO, DOMINO
MEO COLENDISSIMO.

EPISTOLA



QVOD dudū animus cupiebat, calamus gestiebat, officium & munus neum debebat, sed hostilis gladius impediēbat facere, REVEREN-

DISSIME ADMINISTRATOR, id nunc demum ago, armis quietem spectantibus, & togæ cedentibus. Nimirum opportuna fuit mora atq; dilatio, vt tunc tibi de ADMINISTRATORIS munere, & PRÆPOSITI dignitate lætus acclamarem, & fausta precarer, cū tam noster, quàm aduersariorum miles desijt timeri. Turbat tubarum strepitus gratulationem, quæ læta esse debet, & cum tranquillitate. *Sera gratulatio reprehendi non solet, præsertim si nulla negligentia prætermissa est*, ait M. Tullius. Et quidem tibi, immo & Ecclesiæ Augustanæ meritò omnes gratulantur, quicumque vel tuum ingeni-

um

Cic. Cuius
lib. 2.

DEDICATORIA.

um, vel huius statum nouerunt. Est enim iste talis, vt tuo ingenio indigeat; & tuum ingenium, vt iacentem erigere valeat. Quod vel nomen familiæ tuæ inclytæ nobis in te ominabatur, à CERVIS & MONTIBVS ductum. Sicut enim cerui à canibus per campos agitati ad montes se, tamquam ad asylum, recipiunt, regio Propheta dicente: *Montes excelsi ceruis: petra refugium herinacij: ita turbidâ hac belli tempestate, trepida diœcesis Augustana vndique miserè vexata, inter tot rerum discrimina, nusquam potuit tutiùs consistere quàm si se tali MONTE tueretur. Præuidisti hoc, ô clemens DEVS, præparans montes in virtute tua, accinctus potentia. Idcirco fluctu decumano, post tot vndas, secuturo, rupem hanc in medio mari statuisti, ad quam procellæ alliderentur. Rectè dixit quidam: *Regendo Mundo nati sunt Montes; Atlante iam fatifcente Montem alterum**

Psalm. 103.
18.

Psalm. 64.7.

EPISTOLA

Matth. 5.
14.
rum parat AVGVSTA, cui molem
 imponat. Quis hoc non videat? *Non
 potest ciuitas abscondi supra montem posi-
 ta.* Igitur clariùs iam micare par est.
 Vicinum conijcere diem licet, quan-
 do in Occidente rubere MONS cœ-
 pit. Et quis tibi, aut patriæ meæ de
 tali MONTE non gratuletur, quan-
 do vel hostis noster virtuti tuæ se in-
 clinauit? atrocior futurus, si tu mi-
 nùs prudens ac bonus fuisses. Possem
 plura commemorare, si hæc tempo-
 ra veritatem paterentur. De præteri-
 tis fas est futura conijcere. Sed ne &
 hæc quoque tibi, magna potiùs face-
 re, quàm de te ipso audire cupienti
 nimis prolixa videantur, malo tace-
 re, quæ alios scio cogitare. Maiorem
 paginam implerent, si quæ vel hisce
 meis oculis vidi in te laudanda, velim
 recensere. In eadem enim Aula Ba-
 varica, atque iisdem Principibus ad-
 fuimus, per aliquot annos; tu, vt mo-
 tes regeres; ego, vt traderem artes,
simul

DEDICATORIA.

Simul læti & tristes: eo solùm discrimine, vt ego agerem scholæ magistrum, tu aulæ Præfectum. Quamquam tua se virtus amplius extendit, vt, quemadmodum de Bauaris, ita etiam de Austriacis benè mereretur. Vtrobique amatus, vtrimque auulsus es, quia ad maiora à Deo vocatus. Quæ optimè tibi cessura, non possum ambigere; quando DUCVM & ARCHIDUCVM tam bonus Dux extitisti. Et quia non erit tibi *colluctatio aduersus carnem & sanguinem, sed aduersus principes, & potestates, aduersus mundi rectores tenebrarum harum, contra spiritualia nequitia, in caelestibus*, idcirco librum de septem monstris dedico, quibus, tamquam septem Hydræ capitibus, domandis Hercule opus est. Vale, & Vince. Ingolstadij Anno 1649. 12. Cal. Maij.

Seruus in Christo

GEORGIVS STENGEELIVS
SOC. IESV.